



Шочмо эл, порылык да чын верч!

Будь готов /

17-ше (3768) №,
2026 ий 30 апрель,
изарня



0+

1933 ий 1 февраль годсек лектеш.

1 май – Шошо да Паша найрем.



Паша поро кумылым йөрата

Шошо – пүртүс түзланыме пагыт. Йырым-йыр чыла ужарга, пеледалтеш. Пакча паша тўна-леш. Йоча-влак шўкшудым удырымашке, мландым кўнчымашке, ўдымашке кумылын ушнат. Кугыен-влаклан ятыр вес сомылымат ышташ полшат. Шукерте огыл Шернур округ Койсола школышто тунемше-шамыч «Шошымсо порылык арня» поро кумылым ончыктымо акция гон


дым тунемме тўнеж кумдыкым, Кугэнгер ялысе обелиск йыр шўкшакым эрыктенит (снимкыште).

– Мланде кошкымеке, тошто лышташым удыренна, куштырам погенна, клумбым тўрленна. Школ кумдыкым моткоч арун эрыктен шынденна. Пашам рўж ыштенна, сандене нелылыкым шижын огынал. Ынде тыгаяк мотор лийже манын, эскераш тўналына. Тидлан ту-


ныктышына Раисия Геннадьевна Петухова кумыланда. Мўнгышто ача-аваланат сомылым ышташ полшена, – ойла 3-шо классыште тунемше Валерия Пакеева.


Кеч-могай пашам кумылын ыштет гын, тудын лектышыже куандара, ончыкыжым эше чот тыршаш тарата.

Оля МАЙКОВА.
Фото-влакым школ архив гыч налме.


 Элыштына узинек кок йылмым сайын палыше-влак шукын улыт. Мила Бем – нунын радамаште.


3-шо лаштык


 «Илыше классике» сылнымут конкурсышто Арина Актуганова ойыртегалтын.



4-ше лаштык

 Джесси, Люся, Кисюня... Йоча-влак пырыс ден пийыштан сылне лўмым пуэнын.





6-шо лаштык

Марий арыслан



«Навигатор йолташ» марий йоча модыш конкурс мучашлалтын. Тудо «Навигаторы детства» проектын вич ияш, «Российысе йоча да самырык-влак рүдерын» лу ияш лүмгечыштан да Калык-влакын икоян улмо идалыклан пöлеклалтын. Республикнан түрлө районжо да округшо гыч икшыве-влак ятыр модышым темленят.

«Модыш – Марий Эл Республикысе «Орлята России» программн тамгаже» тангасыште

ойыртемалтше ик ұдыр – Элика Токтарова (**снимкыште**). Тудо 2-шо номеран Шернур школышто 1-ше «Б» классыште шинчы-машым пога.

– *Интернетысе уверлан эверташ гын, Марий Элысе Юрино районышто ош почан арыслан илыме нерген палемдат. Вес түрлыжө республикыштына уке. Ош почан арысланын фотографийжым ончен, модышым ыштенна. Позна тўткышым почлан ойыренна. Тудым түрысnek ош шер дене сöрастаренна.*



Оншытыжо да шулдырыштыжо – марий тамга-влак.

Кайыкнам Арслана манын лүмденна.

Конкурсш ушнаш Эликан тункытышыжо Диана Геннадьевна Ямбаева кумылан ден. Шкежат ургаш шўман улам. Ёдырем «Сувенирная лавка» кружокышто кидпашалан тунемеш, – ойла Элика аваже Татьяна Вячеславовна.

Оля МАЙКОВА.

Фото-влакым еш архив гыч налме.

Российысе увер

«Географический диктант – 2026» акциялан йодыш-влакым ямдылымашке ушно! Келшыше тангасым ойыро да Россий дене кылдалтше 8 йодышым 1 июнь марте колто. Тўрыс увер – dictant.rgo.ru сайтыште.

«Архитектура дипломатии» усталык конкурс матрешкын тўжвал тўсшым уэмдымылан пöлеклалтын. Сўретым але арт-объектым ыште да фотографийым 10 июнь марте mansions.updk.ru сайтыш колто. Конкурсыш 12 ий гыч ушнаш лиш.

«Движение Первых» толкын «Мозаика культур: Единство народов России» сўрет конкурссым увертарен. Шочмо калыкын тўвыражлан пöлеклалтше сўрет-влакым 8 июнь марте ямдылыман. Кумда увер – projects.pervye.ru сайтыште.

Марий Элысе увер

Курьмарий район гыч «Шыжарвлә» күслезе-влак образцовый ансамбль усталык коллектив-влаклан Екатеринбург олаште эртаралтше всероссийский фестиваль-конкурсшто икымше степеня дипломым сенген налын. Саламлена!

Йошкар-Оласе Политехнический лицей-интернатын «Кот в ящике» командыже викторине дене «Знание.Игра» турнирын финалышкыже лектын. 15 майыште Москваште финал лиш. Российын 89 регионжо, Абхазий ден Беларусь республикла гыч 91 команде тангасаш тўналеш.

Марий Элыште илыше-влак «Курымашлык полк онлайн» акцияш ушнен кертят. 6 май марте йодмашым колтыман. Виртуальный «тангошкылмаш» 9 майыште 2026.polkrf.ru сайтыште 12 шагатлан тўналеш.

Ура-а-а! Икымше вер!

Йошкар-Оласе йочасадашке коштшо икшыве-шамыч түрлө конкурсшто усталыкыштым тергат. Шукерте огыл 37-ше номеран «Красная шапочка» йочасадыште «Живая песенка» оласе муро конкурс кумшо гана эртаралтын. Тушко оласе 30 йочасад гыч 150 наре ұдыр-рвезе ушнен. Нуно келшымаш, порылык, Шочмо элым йöратымаш да тыныс илыш нерген мурым йонгалтаренят.

80-ше номеран «Ўжара» йочасадыш коштшо-влак Валерия Пономарёва, Лиза Дождикова да Света Пашкова (**снимкыште**) конкурсшко ушненят. Нуным музыкальный руководитель Марина Альбертовна Мамаева ямдылен. Тыршымышт арам лийын огыл: ұдыр-шамыч



«Я нарисую» муро дене икымше верым сенген налынат. Ончыкыжымат күкшö лектышыш шуаш тыланена.

Надежда ГОДУНОВА.

Фотом йочасадын архивше гыч налме.

Йылме – поянлык

Элыштына билингв але изинек кок йылмым сайын палыше-влак шукын улыт. Теве Германийыште шочын-кушшо, а кызыт Йошкар-Оласе 11-ше номеран лицейыште 9-ше «Б» классыште тунемше Мила Бем (снимкыште) руш да немыч йылмылам шочмо йылме семын акла. Шукерте огыл тудо немыч йылме дене всероссийский олимпиадын призёржо лийын.

– Олимпиадылан ике гыч ямдылалтынам, молан манаиш гын лицейыште англичан йылмым тунемына. Марий кугыжаныш университетсыс романо-германский филологий кафедрын доцентше Мария Сергеевна Романова кугу польшышым пуэн. Грамматике дене кылдалтыше йодыш-влак, устный ужаш нелырак лийыныт. Немыч йылмыште шуко диалект уло, а олимпиадыште литератур

нормым кучылтман. Призёр-влак радамыш логалмемлан моткоч куаненам. Тиде кугу сенымаиш, – оила Мила.

Ўдыр биологий да химий классыште тунемеш. Вашке экзамен тургым тўналеш. Сай лектышым ончыкташ ятыр ямдылалтеш. Биологий дене шинчымашыжым пойдараш манын, «Сириус» тунемме рўдериште кок гана лийын. Милалан астрономият лишыл. Ўмаште В.Я.Струве лўмеш олимпиадын регионсыс йыжынгыштыже призёр радамыш лектын.

Шочмо йылмым да калыкын илыш-йўлажым аралымаште эн кугу верым еш налеш. Милан родо-тукумжо тидым умыла, сандене мўнгыштышт чўчкидынак немыч йылме дене мутланат.

– Шочмо немыч йылмем мондаш огыл манын, фильм-ша-



мычым ончем. Германий гыч кондымо сылнымутан книгаг лудам. Кеч-могай элыште иле, но шочмо йылмым палыман. Тиде айдемын эн кугу поянлыкше, – иктешлыш Мила.

Катя СЕРГЕЕВА.
Фотом еш архив гыч налме.

Кокымшо лийынам

Мемнан школ илышна весела да онгай. Тўрлў мероприятиыште, конкурсышто вийнам тергена. Шукерте огыл Морко посёлкышто «Весенняя капель» конкурс эртаралтын. Тушко мыят ушненам. Валентин Исе-нековын «Шошо муро» поче-

ламутшым сылнын лудынам. Тыршышем арам лийын огыл: кокымшо верым сенен налынам. Конкурслашке ушнымаш тунемшылан виянгаш, шкалан ўшанаш да сенымашке шуаш полша.

Виктория ИВАНОВА.
Морко, Коркатово.



Ожно марий ялыште тыгай йўла лийын: иктаж-кў кугу да неле пашам тўнгалын гын, тудо пошкудо-влакым полшаш йодын. Тиде йўлам вўма маныт. Ялысе кажне пўрсьен полшышаш улмаш. Кў тўшка пашашке ушнен огыл гын, пошкудыжо-шамыч тыгай еным жаплымым чарненыт.

Кызытат тиде йўла марий ялыште ила. Мутлан, меат Кок-

ласола ялысе памаш воктене шўкшакым эрыкташ кутырен келшышна. Интернет полшымо дене уверым пуышна. Ял калык поро кумылым ончыктым пашашке йочашт дене лектын (снимкыште). Ынде памаш воктене ару да чонланат сай.

Полина АЛЕКСЕЕВА.
Морко район.
Фотом еш архив гыч налме.

Школ тоштерыште

Школышто чапле тоштер уло. Ик кечын тушко уло класс дене миенна (снимкыште). Тудо тунемме тўнежын кокымшо пачашыштыже верланен. Тоштерым Ю.А.Семёнова вуйлата.

Пўлемыш пурымек, чылан ўрынна. Тушто аралалтыше ўзгар-влакым ме ужын огынал. Юлия Алексеевна кажныж нерген каласкален. Мыланна пален налаш онгай лийын. Ынде шкежат суртышто аралалтыше тошто ўзгарым аныклаш тўнгалына.

Максим СЕМЁНОВ.
Морко, Арын.
Фотом школ архив гыч налме.

Чавайн



тукым цлына

Чыла урок күлешан

«Тунеммаш – эн тўн паша», –
Ойла туныктышына.
Тидым мыйже умылем,
Садлан сайын тунемнем.

Предметшат шукемын пеш,
Каналташат чон ўжеш.
Ончыч уроклам ыштем,
Вара сайын каналтем.

*Клим ШАБАЛИН.
Советский, Кодам.*

Шошо

Шошо кече, сай игече,
Кумылем каваш нолтеш.
А кава гыч, шыргыж, кече
Ший шинчажым пўялеш.

Шем коракше куэ вуй гыч
Уло кертмынак кара:
– Шошым кондышым мый угыч
Йўштө теле деч вара.

Кече кўшкырак кўзалын,
Йолжым мландышке шуя.
Да ош лумым левыкталын,
Ший энгер дек нангая.

*Полина УРТЬЕВА.
Волжский, Пётъял.*

Марла лудам



Мый марий книга-
влакым лудаш кумылан
улам. Библиотекешты-
на шуко марий слы-
нымутым муаш
лиеш. Утларак-
шым йолташ-влак
нерген возымым лудаш йўратем.
Книгам лудат – ушан лият.


*Настя АНИСИМОВА.
Волжский, Карай.*

«Парашют» сенымашым конден

«Уста айдеме илышыш ўчашен пура... Шкеж деч вара мондалт-дыме волгыдым да ўштылдымō кышам кода. Курымеш...» – возен поэт Валентин Колумб. Чынжымак, марий серызына-влакат келге кышам, нимо дене тагастараш лийдыме поянлыкым, книгам, произведенийым, коденыт. Тудым самырык тукум кумылын лудеш. Тыглайын веле огыл – сылнын.

Нунын кокла гыч иктыже – Шернур округ Кукнур школышто 8-ше классыште тунемше Арина Актуганова (снимкыште). Тудо шукерте огыл «Илыше классике» тўнямбал конкурсын республикысе йыжыгыштыже марий литературы классикше-шамычын произведенийышт гыч ужашым лудшо-влак коклаште сенышыш лектын.

– Йочасадыш коштемем годымак сылнымут дек шўманьынам. Марла почеламутым сылнын лудынам, мурымат йонгалтаренам. Тунам почеламут чонемлан лишылрак лийын гын, кызыт прозым онайраклан шотлем. Тушто сюжет уло, кажне геройын йылмыже ойыртегалтыше. Прозым лудмо годым артист койышымы, марий йылмым сайын палымым утларак ончыкташ лиеш. Мыланем Яков Павлович Майоров-Шкетанын произведенийлаже келшат. Садлан конкурсланат «Парашют» ойлымашыжым ойыренам. Тудо ончыл верыш лекташ полшен.



Ты сенымашым эн кугулан шотлем, – ойла ўдыр.

Арина «Конаков лудмаш» республикысе конкурсышкат ий еда ушна да сенышыш лектеш. Тыгак шинчымашыжым марий йылме дене олимпиадыште терген да районышто ончыл верыш лектын.

– Мый Марий Элыште, марий ялыште шочынам. Марий ешыште марла кутырен кушам. Садлан шочмо йылмын, тўвыран вийыштым изинек шижам. Школышто марий йылмым келгын тунемына. Туныктышына Людмила Ильинична Алмамадова сай шинчымашым нуа. Тўрлө меропрятийышке, конкурсышко ушнен, шуко онайым пален налына. Марий улмем дене моткоч кугешнем. Шочмо йылмемын ўмыржō кужу лиеш манын ўшанем, – манеш Арина.

*Христина АЛЕКСАНДРОВА.
Фотом школ архив гыч налме.*

Мо тыгай пиал?

Тиде йодышлан кажне ен тўрлын вашешта. Родо-тукумем таза, школышто келге шинчымашым нала, тўнямбалне тыныс илыш гын, мый шкемым пиаланлан шотлем. Пиалым ужаш ок лий, тудо мемнан кидыште.

Школышто Семён Вишнеvскийын «Пиал» поэмыжым лудынна. Тушто пиал нерген салтак тыге шонен: «Ныл ий жап коклаште ятыр менгым я чакнен, я ончыко каен, мōн-

гышкō савырнен мием гын, пиалан лиям». Салтаклан ешыште йочан юарлыме йўкшат – кугу пиал. Тидым нимогай поянлык дене алмашташ ок лий.

Пиал – илышыште мо улыжлан тауштен моштымаш, шонем. Чылаж годым тудым огына шеклане, огына акле. Нелылык дене тўкнышō ен гына пиалым нигō деч чот умыла.

*Юлия ЯГОДАРОВА.
Советский, Кельмаксала.*

Сылнымутым йоратат

«Йочам сылнымут деке эр шўмандет гын, лектыш куандарыше лиеш», – манеш Морко район Арын кыдалаш школышто тўналтыш класслам туныктышо Олимпиада Алексеевна Васильева. Тудо ўдыр-рвезе-влакым икымше класс гычак тўрлө конкурслан ямдыла. Ик чолга тунемшыже – Максим Семёнов. Изи гынат, уста рвезе. Калык ончылно почеламутым лўдде, вожылде каласкалаш ок аптыране.

Шочмо йылмым пагалы-машын, йоратымашын негызше – ешыште. Максимын коваже Елена Викторовна почеламутым воза, книгагат савыктен луктын. Аваже Наталья Вениаминовна тўналтыш класслам туныкта. Олимпиада Алексеевна марий шўлышан ешыште шочын-кушшо икшывын шинчымашыжым пойдараш, чын корно дене виктарен колташ полша.

Рвезе йоратыме туныктышыжын вўдымө «Сескем» сылнымут кру-

жокыш коштеш. Тушто йолташыже-влак дене пырля йомакым лудыт да лирический герой-влакын койыш-шоктышыштым лончылат, туштым туштат, калык пале ден калыкмутлан тўткышым ойырат. Арня еда «Ямде лийым» шергалыт да заметкым возаш тунемыт. Кажне йочан ача-аваже икшывыштылан подпискым ыштеныт.

Олимпиада Алексеевналан выпускникше-влакат тауштат. 5-ше классыште тунемше Артём Сергеев мастарлыкшым ятыр сылнымут конкурсышто терга. Рвезе дене Морко посёлкысо М.Н.Янтемир лўмеш тоштерыште эртаралтше «Казаков лудмаште» вашлийын мутланышна.

– Икымше класс гычак конкурлаш ушнем. Ятыр вере миен кошт-




Артём Сергеев ден Максим Семёнов.

мем чолга лияш да сценыште ишкем ўшанлын кучаш туныктен. Кызыт кажне гана сеҥыше-влак радамыш лектам. Лач ик гана вер деч посна кодынам. Тидыже эше чот тыриаш кумыланден, – ойла Артём. – Марий Элыште илена, садлан йылмым палышаш улына. Ме шочмо йылмым да литературым тыршен тунемына. Ешыште, йолташ-влак коклаште марла мутланена.

Оля МАЙКОВА.
Авторын фотожо-влак.

Кроссворд

Шола гыч пурлашке: 2. Марий композитор. 7. М.Шкетанын «Мичун уке ачажат» ойлымашыж гыч героиня. 9. Ш.Осыпын «Акырсаман» повестыше гыч тўн герой. 10. Ўдырамаш поэтессе. «Ава кид» почеламутын авторжо. 13. Марий поэт Иван ... 14. В.Ивановын «Вўдшө



келге, серже тура» повестыше гыч герой. 15. Шадт Булатын шочмо кундемже.

Кўшычын ўлыкө: 1. Ш.Осыпын «Акырсаман» повестыше гыч ўдырамаш героиня. 3. Советский районысо писатель. 4. В.Сузын «Вакш йонышта» ойлымашыж гыч герой. 5. Марий академик. 6. В.Ивановын «Вўдшө йога, серже кодеш» повестыше гыч герой. 8. И.Одарын «Таргылтыш» ойлымашыж гыч герой. 9. Д.Орайын «Чолга шўдыр» повестыше гыч кочан лўмжө. 11. З.Каткован повестыше.

Надежда ИЛЬИНА.
Волжский, Карай.

«Нылле ик шоая»

Мый яра жапыште книгаг лудаш йоратем. Шукерте огыл «Нылле ик шоая» книгаг кидышкем нальым. Сылнымут пеш келшыш. Тушто тўрлө сынан йомак-влак улыт: воштылтышан, поро ден осал койышым ончыктышо, чоялык ден ондалымаш нерген. Мыланем

«Моско бурмистр» йомак поснак онайын чучо. Воштыл-воштыл лудым. Йоча-влак, теат тиде книгаг налза, лудса. Уш-акылдам пойдареда, канеда.

Петя ЦУРКАН.
Волжский, Пётъял школ пеленысе
Йоча усталык пёрт.

Чылажат Морко!

«Морко» шомакым колмекыда, ушыш могай шонымаш толеш? Очыни, вигак Сергей Чавайным, Валентин Колумбым, Карман Курыкым, Чўкша курыкым, марий йўлам жаплыше Унчо кундемем шарналтеда. Кушко от ончал, йырымваш мотор пўртүс. Теве мўкшын ызгымыже дене темше, снеге пушан олык, поян шурнан пасу, емыж-саскан, понган, гўжлен шогышо чодыра, йыргыктен йогышо памаш, яндар ер, энгер, теве тоштер, теве марий муро дене йонгалтше тўвыра пёрт. Чылажат Морко! Шочмо районемын ятыр мотор верлаштыже лийынам, кажныже чоным ырыкта, илыш вийым пуа, шулдыранда. А калыкше могай поро, пашаче, усталык шўлышан. Моркышто илаш – пиал!

Алина СУББОТИНА.
2-шо номеран Морко школ.



Ковамын кроликше

Ковам деке унала куанен коштам. Тудо куд кроликым да нунын кандаш игыштым ашна. Нуно ош, шем, сур да күрен түсан улыт, пунышт пеш пушкыдо. Эре ниялтыме, модмо веле шуэш. Кечыгут воктенышт пörдаш ямде улам. Йöратыме кроликем-шамыч кумылем нöлтат. Нунылан мый ковыштам, кешырым, шудым да пырчым пукшем. Кочмыштым эскераш онгай. Каныш кечым чот вучем, тунам уэш пушкыдо мундыра-влак пелен лиям.

Виктория ИВАНОВА.
Морко, Коркатово.



Люсям куандарем

Ковам ден кочам посёлкышто илат. Мый нунын деке чүчкыдын унала коштам. Ковам ден кочамын Люся пырысышт уло. Тудо мыйын поро йолташем (снимкыште). Кажне кечыном уж гынат, садикте йöратем. Шижам, тутат мыйым вуча. Мый тудлан пöлекым налын намием. Йолташем куандарем.

Есения ШИПИЦЫНА.
*Йошкар-Ола,
80-ше номеран йочасад.
Фотом еш архив гыч налме.*



Джесси – немыч овчарке

Шукерте ожно тулото воктеке ыраш толшо пий айдеме пелен илаш кодын. Ты тат гыч нунын коклаште келшынам ылыжын. Пий йолташыш, аралышыш да польшкалышыш савырнен. Кызыт туняште түрлө урлык пий уло. Нуно суртым оролат, полицийыште да армийыште служитлат, весела кумылышт да онгай койышышт дене озаштым куандарат.

Тачысе лаштыкын унаже, Медведево посёлкышто илыше Даша Киндулкина (снимкыште), Джесси лүман немыч овчарке дене палдара. Пий пеш ушан да ўшанле. Изи озам школыш ужа-та да пöртылмыжым вуча. Ятыр командым пала.

– *Ныл йолан йолташ-влакым моткоч йöратем. Түрлө пий урлыкын ойыртемыжым палем.*

Джесси пеш весела да вяйн.

Мыйым телым ватрушко дене шупшыш кудалыштеш.

Мутемым кольштеш.

Мутлан, олмам нерже

дене куча да «лиеш»

манмеке веле кочкеш.

Ты саскам тудо пеш

йöрата, – ойла Даша.

Удыр Медведево по-

сёлкысо 3-шо но-

меран школышто

тунемеш. Яра жа-

пыште кушташ

кумылан. Пий деч



посна тудо гуппи урлык кол-влакым ашна. Имнылан посна тütкышым ойыра. Кок ияшыж годым икымше гана кушкыжын. Вольык ўмбалне вич ияшыж годым ўшанлын шинчаш тўналын. Тидлан «Жокей» имне школышто тунемашым эртен.

– *Икымше имнемын лүмжö – Легенде. Тудо пеш шыма, мотор. Кызыт Кировысо зоопаркыште ила. Иктаж гана тудым ужам маньын ўшанем, – шарналта ўдыр.*

Оля МАЙКОВА.
Фото-влакым еш архив гыч налме.

Эре пеленем



Кисюня пырысем ош пунан. Тудлан – 12 ий. Кугу гынат, ожнысо семынак юарлен кудалышташ кумылан. Лазер указке, кандыра, кленча петыртыш дене модаш куана. Йöратыме кочкышыжо – кукшо корм, шöр да шыл. Мый тудлан лүмынак шудым ўдем. Кисюням пеш йöратем (снимкыште), азам годымат тудо пеленем лийын.

Дмитрий ЕЛЬТЕМЕРОВ.
*2-шо номеран Шернүр школ.
Фотом еш архив гыч налме.*

Чодырам аралыман

Ача-авам дене пырля «Кугу Какшан» заповедникын эрта-рыме «Маскаиге – заповедникын тамгаже» усталык конкурсышко ушненна. Янлыкым пу гыч кештаренна (снимкыште).

Ачам Геннадий Михайлович «Марий Чодыра» национальный паркыште чодырам аралыше кугыжаныш инспекторлан пашам ышта. Тудын дене пырля пүртү-сыш лектын кошташ йоратем. Чодыраште шкем арун кучыман, пушенге укшлам тодышман огыл, пеледыш-влакымат күраш ок лий.



Анна ФЁДОРОВА.
Звенигово, Кожласолазе
«Теремок» йочасад.
Фотом еш архив гыч налме.



Полина ОСИПОВАН сүретше.
Волжский, Пётъял.

Шошо толмым мый вучем,
Кечым куанен ончем.
Шошо жап келша мылам,
«Тау!» – манам пүртүслан.

Мария ЕВДОКИМОВА.
Волжский, Карай.

Калык пале

Шошым шемгорак-влак йүш-тылыт гын, леве лиш.

Палаш огай

- ✍ Мландымбалне икгай зебр уке.
- ✍ Шорык аяран кушкылым ойырен мошта.
- ✍ Сосна ик эн ушан волыкклан шотлалтеш. Тудо шке лүмжым пала да тудым туныкташ лиш.
- ✍ Имне ден ушкал шогышыла мален кертыт.

М.ШКЕТАН ЛҮМЕШ МАРИЙ КУГЫЖАНЫШ ДРАМЕ ТЕАТР

Н.Арбан

7 май
18:00

/ Летняя ночь

КЕНЕЖ ЙҮД

Музыкальный комедий 12+

Рекламе. shketan.ru

Историйым шергалына

1945 ий 2 майыште маршал-влак Георгий Жуков ден Иван Коневын вуйлатыме совет войска-шамыч Германийын рӯдолажым, Берлиным, сеген налыныт.

1945 ий 6 майыште совет войска-влак Пражский операцийым тунгалыныт. Тыгодым Прагым утареныт да «Центр» группын армийжым пленыш налыныт.



Йоратем, акай!

Российыште иза-акан кечыже 2 майыште палемдалтеш. Мыят акам дене палымым ыштынем. Жанна акам (снимкыште коктын улына) мый дечем ятыр ийлан кугурак гынат, ме келшен илена. Тудо Йошкар-Олазе «Жар-птица» йочасадыште воспитательлан пашам ышта. Тыгак МарГУ-што 2-шо курсышто логопедлан тунемеш. Акамын ола гыч толмыжым чот вучем. Пырля лиймеке, ятыр жап мутланена, сүретлена, алмаз мозаикым погена. Акамым йоратем да пагалем.

Юлия ГУРЬЯНОВА.
Волжский, Пётъял школ пеленысе
Йоча усталык пöрт.
Фотом еш архив гыч налме.



0+

Марий Эл Республикысе «Марий Эл» увер агентстве» КАУ.
Директор – Е.И.КУЗНЕЦОВ.
Тун редактор – А.Н.ГРИГОРЬЕВА.

Индекс П4696.
Тираж 1500 экз.
Заказ
Формат – А-4-8.

Учредитель-влак:
Марий Эл Республикысе Тувыра, печать да калык-влакын пашашт шотышто министерстве, Марий Эл Республикысе «Марий Эл» увер агентстве» КАУ.

Редакций да издатель: Марий Эл Республикысе «Марий Эл» увер агентстве» КАУ, 424006, Йошкар-Ола, СССР Вооружённый Вийын 70-ше идалькыше урем, 20-шо пöрт. Тел. 8(8362) 45-22-82.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Печатьыш пумы жап – 14-00, фактически – 13-00.

Авторын да редакцийын шонымашышт түрлө лийын кертыт. Серыш-влак мөнгеш огыт колталт. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru (автор-влаклан)
Сайтын адресше: ямделий.рф

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыште регистрироватлыме. Номер – ПИ № ТУ52-01404, 2023 ий 22 сентябрьыште пумы.

У конкурс



Арсений АНТРОПОВ.
Шернур, Чылдемыр.



Вика КОНСТАНТИНОВА, Маша
УРАКОВА да Василиса ИВАНОВА.
Кужэгер посёлко.



Артём МИХАЙЛОВ ден
Павел МАРКОВ.
Звенигово, Чакмарий.



– Школым тунем пытарымекет,
кө лият? – Мику деч туныктышо йодеш.
– Каменщик! Лукдымо пёртлам чоңаш
тўналам.

– Тыланет тыгай пёртишө молан?
– Нине лук-влак шерем теменым! – вавешта рвезе.

* * *

Икымше классыште математике урок кая.
– Петя, кокытыш кокытым ушена гын, мыняр лиеш? –
йодеш туныктышо.

– Ны-л-ы-ы-ы-т...
– А молан шортат? – улылынеже туныктышо.
– Мыланем визыт-а-а-ан күлеш!

Шотлыза

x = ?

x = ?

Ик шырпым верже дене
вашталтен, чын вашму-
тым ыштыза.

5 + 7 = 16

Ўдырлан емыжан корзинга марте
миен шуаш полшыза.



Сүретым ончен,
точко-влакым ушыза да чиялтыза.

